

U G O V O R
o kolektivnom osiguranju uposlenika
u Kantonalnoj upravi civilne zaštite Kantona Sarajevo

Zaključen dana 20.03.2020. godine u Sarajevu između:

I UGOVORNE STRANE

1. **KANTONALNE UPRAVE CIVILNE ZAŠTITE KANTONA SARAJEVO**, ulica Fehima ef. Čurčića br. 1., 71 000 Sarajevo, ID broj: 4200665390008 koju zastupa v.d direktor Kemal Cacan (u daljem tekstu: **Ugovarač osiguranja**), s jedne strane,
2. **SARAJEVO OSIGURANJE D.D.**, ul. Maršala Tita br. 29., 71 000 Sarajevo, ID broj: 4200326930001, kojeg zastupa direktor, Arif Kulić, (u daljem tekstu: **Osiguravatelj**).

II DEFINICIJE U UGOVORU

Osiguranci: Uposlenici zaposleni kod Ugovarača osiguranja.

Korisnik osiguranja: Uposlenik kojem se vrši isplata osigurane svote.

Osigurani slučaj: Iznenađni i od volje osiguranika nezavisni događaj koji se desi pri vršenju ili izvan vršenja redovnog zanimanja (24 sata dnevno), a ima za posljedicu osiguranikovu smrt usljed bolesti, smrt usljed nezgode, trajni invaliditet usljed nezgode, troškove liječenja u bolnici i dnevnu naknadu po danu za boravak u bolnici.

III PREDMET UGOVORA

Član 1.

Predmet ovog ugovora je nabavka usluga kolektivnog osiguranja uposlenika Ugovarača osiguranja, prema specifikaciji, za period od 01.04.2020. godine u 00.00 sati do 31.03.2021. godine do 24.00 sati.

Ugovor se zaključuje na osnovu Odluke o izboru najpovoljnijeg ponuđača, broj: 06-14-302-7/20 od 13.03.2020. godine i ponude Osiguravatelja, broj: 01-1430/20 od 09.03.2020. godine, izabrane od strane Ugovarača osiguranja u postupku konkurentskog zahtjeva.

IV UGOVORENA CIJENA

Član 2.

Ugovorena premija osiguranja iznosi 3,836 KM mjesečno po svakom uposleniku Ugovarača osiguranja. Ukupno ugovorena premija osiguranja na godišnjem nivou za **217** uposlenika Ugovarača osiguranja, u vrijeme zaključenja ovog ugovora, iznosi: **9.989,37 KM** (slovima: devethiljadadevetstotinaosamdesetdevet KM i 37/100 KF). Predmetne usluge osiguranja su oslobođene od obračuna PDV-a u BiH, u skladu sa Zakonom o porezu na dodanu vrijednost ("Službeni glasnik Bosne i Hercegovine" broj: 9/05, 35/05, 100/08 i 33/17). Sume osiguranja i premija osiguranja ugovorene su u KM.

V NAČIN I ROK PLAĆANJA

Član 3.

Plaćanje ugovorenih usluga će se izvršiti u cjelokupnom iznosu po potpisanom ugovoru i ispostavljenoj fakturi, najkasnije u roku 30 dana od dana prijema iste, putem JRT Kantona

Sarajevo na žiro račun Osiguravatelja, uplatom na žiro-račun broj: 338730-2238311567 otvoren kod UniCredit Banke d.d.

VI ROK ISPLATE ZA NASTALU OSIGURANU ŠTETU

Član 4.

Rok isplate osigurane sume je 30 dana (slovima: trideset) i računa se od dana prijave osiguranog slučaja sa kompletnom dokumentacijom, u skladu sa Zakonom i uslovima za osiguranje lica. Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

VII POLICA OSIGURANJA

Član 5.

Za osiguranje uposlenika Ugovarača osiguranja od smrti uslijed bolesti, smrti uslijed nezgode, trajnog invaliditeta uslijed nezgode, kao i dnevne naknade i troškove liječenja, Osiguravač će izdati Ugovaraču osiguranja posebnu policu osiguranja, a u skladu sa ovim Ugovorom. Polica o osiguranju, iz prethodnog stava, zajedno sa spiskom uposlenika Kantonalne uprave civilne zaštite Kantona Sarajevo, čini sastavni dio ovog ugovora. Spisak sa brojem i imena uposlenika za organe, pripremit će Ugovarač osiguranja i isti dostaviti Osiguravatelju.

VIII VRIJEME TRAJANJA UGOVORA

Član 6.

Ugovor se zaključuje na period od godinu dana odnosno na period počev od 01.04.2020. godine u 00.00 sati do 31.03.2021. godine do 24.00 sati.

IX OBAVEZE UGOVARAČA OSIGURANJA

Član 7.

Ugovarač osiguranja će dostavljati eventualne promjene broja i imena osiguranika osiguravajućoj kući u roku od 10 dana od dana nastanka promjene po bilo kom osnovu – osiguranje pokriva period od dana nastanka promjene, a ne od dana dostavljanja obavijesti. Osiguranje obuhvata nezgodu na poslu i van posla, punih 24 sata dnevno i 7 dana sedmično bez teritorijalnog ograničenja. U slučaju da se desi osigurani slučaj Osiguravatelj je obavezan na isplatu punih osiguranih suma za smrt uslijed bolesti i nezgode, kao i dnevnu naknadu i troškove liječenja, definisanih u obrascu za cijenu ponude – usluge Osiguravatelja. Osigurana suma za invalidnost isplaćuje se u procentu koji odgovara procentu invaliditeta i vrsti povrede, u skladu sa uslovima za osiguranje lica.

X OBAVEZE OSIGURAVATELJA

Član 8.

Osiguravatelj se obavezuje da će osigurati sve osiguranike od strane Ugovarača osiguranja, na način iz člana 2. ovog Ugovora.

XI RJEŠAVANJE SPOROVA

Član 9.

Eventualno nastali spor po ovom Ugovoru, ugovorne strane će riješiti sporazumno, a ukoliko to nije moguće spor će riješiti Općinski sud u Sarajevu.

XII PRELAZNE I ZAVRŠNE ODREDBE

Član 10.

Na odredbe ovog ugovora, kao i za sve što nije regulisano ovim ugovorom, primjenjivat će se odredbe Zakona o obligacionim odnosima.

XIII STUPANJE NA SNAGU

Član 11.

Ugovor stupa na snagu danom potpisivanja obje ugovorne strane, a primjenjivat će se od roka navedenog u članu 6. ovog Ugovora.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

XIV TUMAČENJE UGOVORA

Član 12.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

OSIGURAVATELJ

DIREKTOR

M.P.

Arif Kulic

Broj:

01-18/15/20

U Sarajevu, 20. 3. 2020. godine

UGOVARAČ OSIGURANJA

M.P.

V.D. DIREKTOR

Kemal Cacan

Broj: 06-14-302-9/20

U Sarajevu, 20.03.2020. godine

